



Broj:04-sl/21  
Datum:30.08.2021. godine



BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
KANTON SREDIŠNJA BOSNA  
OPĆINA GORNJI VAKUF-USKOPLJE  
OPĆINSKO VIJEĆE

**Općinsko vijeće**  
**Općina Gornji Vakuf - Uskoplje**

PRIMLJENO: 02-09-2020			
ORG. JED.	BROJ	PRILOGA	VRJED
01-09-1	-115	/21	

Predmet : Odgovori na vijećnička pitanja sa 5. sjednice Općinskog vijeća Gornji Vakuf - Uskoplje

**Amel Hajrić – SDP BiH, BH Blok**

Pitanja:

1. Postoje li u općini ikakvi planovi vezani za postavljanje table sa nazivom za selo Bojska I njenih zaseoka koja su trenutno ne obilježena. Ako postoje planovi za postavljanje pomenute table sa obilježjem, možete li reći kada će to biti?
2. Da li općina ima u planu sanaciju poljoprivrednog puta Vilić Polje – Hrasnica – Pajić Polje – Humac tj, put – dio trase stare pruge. Put je od velikog značaja za poljoprivrednike pomenutih MZ.

Odgovori:

1. Nadležna Općinska služba svake godine na osnovu planiranih sredstava u Općinskom Budžetu, te nakon obilaska i praćenja stanja lokalnih puteva i gradskih ulica na teritoriji Općine Gornji Vakuf – Uskoplje i opravdanih zahtjeva MZ-a, pripremi Godišnji plan i program održavanja lokalnih puteva i gradskih ulica koji donosi Općinski načelnik a saglasnost na isti daje Općinsko vijeće. Nadležna služba će za narednu godinu predložiti i planirati postavljanje potrebnih tabli u MZ Bojska.
2. Općina Gornji Vakuf – Uskoplje osim redovnog održavanja lokalnih puteva i gradskih ulica na osnovu donešenog Godišnjeg plana i programa, vrši održavanje i nekategorisanih puteva ali na osnovu finansijskih mogućnosti i opravdanih zahtjeva od strane MZ, te će tako planirati i sanaciju ovog puta koji se koristi u poljoprivredne svrhe.

**Edin Gekić – BH Blok**

Pitanje:

1. Kada općinska vlast planira uraditi rekonstrukciju lokalnog puta u Bistrici od Deveća do spajanja sa mostom Trnovače?
2. Zašto nije urađen vodovod u Bistrici, ko je odgovoran zbog ne dovršenog projekta priključenja na nove vodovodne cijevi?
3. U MZ Centar tj. slijepa ulica koja ide iz Preporodove uraditi 3 rasvjetna tijela.

Odgovor:

1. Realizacija projekta rekonstrukcije lokalnog puta u Bistrici od Deveća do spajanja sa mostom Trnovače kao i svih ostalih infrastrukturnih projekata najviše zavisi od finansijskih mogućnosti općine odnosno Općinskog Budžeta i pomoći viših nivoa vlasti. Kada se obezbijede finansijska sredstva (Općinski Budžet i/ili sredstva institucija od višeg nivoa) tada će Služba po odobrenju Načelnika poduzeti sve potrebne aktivnosti kako bi se projekat uspješno realizovao.
2. Vodovod (novi cjevovod) u Bistrici je davno završen ali nije još u funkciji. Priključak (starog) rezervoara na novi izgrađeni vodovod i njegovo konačno puštanje u funkciju najviše zavisi od MZ Bistrica, Općine i komunalnog preduzeća "VIK" d.o.o. Gornji Vakuf – Uskoplje.
3. Općina će planirati u narednom periodu postavljanje rasvjetnih tijela u "slijepom" dijelu ulice Preporodova u skladu sa mogućnostima i dinamikom izvođača radova.

### **Marinko Krajina – HDZ BiH**

Pitanja:

1. Obzirom da se u posljednje vrijeme vrši zamjena betonske podloge sa umjetnom travom na malonogometnim igralištima, planira li općinski načelnik isto napraviti na malonogometnim igralištima u MZ Dobrošin, Podgrađe i drugima?
2. Prilikom nevremena u 9. Mjesecu prošle godine, srušen je stub ulične rasvjete u naselju Hrasnica. Oboren stub je pod naponom i predstavlja opasnost. Apeliramo na načelnika i nadležnu općinsku službu da riješe navedeni problem!

Odgovori:

1. Realizacija projekta zamjene betonske podloge sa umjetnom travom na malonogometnim igralištima najviše zavisi od finansijskih mogućnosti Općine odnosno Općinskog Budžeta i pomoći viših nivoa vlasti. Općinski načelnik ima u planu nastaviti ove aktivnosti postavljanja umjetne trave i na drugim igralištima koja su trenutno u lošem stanju kao u MZ Dobrošin i Podgrađe.
2. Nadležna služba i komunalna inspekcija u saradnji sa MZ i građanima koji prijave kvar na javnoj rasvjeti odmah će obavijestiti odabranog izvođača radova na održavanju javne rasvjete ispred Općine Gornji Vakuf – Uskoplje kako bi se što prije riješio ovaj i/ili slični problemi koji se pojave. Rješavanje kvarova/problema na javnoj rasvjeti za koji su potrebna veća sredstva kao što je nabavka stubova ili drugih potrošnih materijala ponekad zavisi od trenutnog stanja tih materijala, odnosno nove nabavke i vremena isporuke za iste.

S poštovanjem,

Pomoćnik načelnika  
Suad Šišić, dipl. ing.







Broj: 08/1-19.6-sl./21

Datum: 01.09.2021 godine.



BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
KANTON SREDIŠNJA BOSNA  
OPĆINA GORNJI VAKUF-USKOPLJE  
OPĆINSKO VIJEĆE

**IVICA ŽULJEVIĆ- Vijećnik HDZ BiH**

PRIMLJENO: 02.09.2021			
ORG JED.	BROJ	PRILOGA	VRIJED
01-09.1-	115/21		

**Predmet: Odgovor na vijećnička pitanja,**

**Pitanje br. 1.**

Zadnjih dana svjedočimo uklanjanju i pokušaju uklanjanja postavljenih objekata na javnim površinama. Tražimo informaciju od načelnika o primjeni odluke o privremenom korištenju javnih površina. Nad koliko je postavljenih objekata izvršen nadzor o ispravnosti i usklađenosti s navedenom odlukom, te koliko je do danas izdato rješenja o uklanjanju postavljenih objekata na javnim površinama ?

**Odgovor :**

Odluku o privremenom korištenju javnih površina na području općine Gornji Vakuf-Uskoplje, donijelo je općinsko vijeće općine Gornji Vakuf-Uskoplje ( Službeni glasnik Općine Gornji Vakuf-Uskoplje, broj 5/17 i 4/20).

Urbanističko-Građevinski inspektor izvršio je kontrolu nad privremenim korištenjem javnih površina kod trinaest korisnika javnih površina. U toku inspekcijskog nadzora izdata su tri rješenja o uklanjanju ugostiteljskih terasa. Dvije ugostiteljske terase nisu imale nijedan važeći dokument te se smatraju bespravno izgrađenim objektima. Treća ugostiteljska terasa nije stekla uslove za privremeno korištenje javne površine te ja na osnovu toga izdato rješenje o uklanjanju.

Takođe ovaj organ donio je tri rješenja o prestanku korištenja javne površine, gdje su sa javnih površina ukloniti ugostiteljski stolovi i stolice.

**Pitanje br. 2.**

Informacije s terena govore o pojačanoj aktivnosti urbanističko-građevinskog inspektora odnosno obilasku pojedinih objekata u izgradnji i nadzoru nad legalnosti istih. Tražimo informaciju od načelnika da li Općina Gornji Vakuf-Uskoplje posjeduje registar nelegalno izgrađenih objekata na području općine te da li je urbanističko-građevinski inspektor izvršio nadzor nad već svim izgrađenim objektima prije nego je počeo nadzirati objekte u izgradnji ? Da li izgrađeni objekti imaju sve potrebne dozvole i jesu li u skladu s važećom prostorno-planskom dokumentacijom ?

**Odgovor :**

Općina Gornji Vakuf-Uskoplje ne posjeduje registar nelegalno izgrađenih objekata na području općine Gornji Vakuf-Uskoplje.

Urbanističko-Građevinski inspektor shodno opisu posla kojeg je dužan obavljati, od dana preuzimanja ove funkcije, vrši redovan i kontinuiran nadzor nad sudionicima u građenju, a sve u skladu sa Zakonom o građenju ( Službene novine Kantona SBK-KSB, broj 10/14 ), te Zakona o prostornom uređenju ( Službene novine kantona SBK-KSB, broj 11/14).

S poštovanjem !



Urbanističko-Građevinski  
Inspektor

Mugdim Abazović dipl.ing.građ.

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA  
MINISTARSTVO UNUTRAŠNJIH POSLOVA  
MINISTARSTVO UNUTARNJIH POSLOVA  
TRAVNIK  
POLICIJSKA STANICA GORNJI VAKUF-USKOPLJE

Broj:02/4-4-04-2-4-778 /20 S.Š.  
Dana:11.08.2021. godine



BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
KANTON SREDIŠNJA BOSNA  
OPĆINA GORNJI VAKUF-USKOPLJE  
OPĆINSKO VIJEĆE

**OPĆINA GORNJI VAKUF-USKOPLJE**  
**OPĆINSKO VIJEĆE**

PRIMLJENO: 13. 08. 2021			
ORG JED.	BROJ	PRILOGA	VRIJED
01-04-1	115/21		

**Predmet: Informacija, dostavlja se –**

**Veza:Vaš Akt broj:01-OV-5/21 od 27.07.2021. godine**

U vezi vašeg Akta broj i datum gornji, obavještavamo Vas da policijski službenici ove P.S. svakodnevno kroz redovne poslove i zadatke te prilikom provođenja zavedenih akcija pojačane kontrole saobraćaja vrše kontrolu svih motornih vozila tako i motocikla. U slučaju utvrđivanja bilo kakvih nepravilnosti prema istima poduzimamo zakonom propisane mjere i radnje.



KOMANDIR  
Viši inspektor  
Senad Latić